

BERITA HARIAN

DATE: 07/ 04/ 2008

Najib jadi pengganti bila tiba masa: PM

KUALA LUMPUR: Datuk Seri Abdullah Ahmad Badawi berkata, Timbalannya, Datuk Seri Najib Razak akan menggantikannya sebagai Perdana Menteri dan Presiden Umno apabila tiba masanya.

Perdana Menteri berkata, Najib tidak mempunyai sebarang masalah dengannya dan beliau tetap akan menyerahkan jawatan itu kepada timbalannya.

"Umur saya sudah hampir 70, marilah kita sama-sama memulihkan parti," katanya yang berharap, apabila Najib mengambil alih kepemimpinan parti, kekuatan Umno dapat dikembalikan seperti asal.

Abdullah berkata demikian dalam Majlis Penerangan Bersama Presiden Umno untuk jentera penerangan

“*Saya tahu hubungan saya dengan Najib sering dipersoalkan tetapi yang sering saya kata awal-awal lagi, saya memilihnya menjadi timbalan tanpa niat berpolitik dengannya”*

Abdullah Ahmad Badawi
Perdana Menteri

BA - 8/4/2008
parti di Pusat Dagangan Dunia Putra di sini, semalam. Taklimat selama 90 minit itu diadakan secara tertutup di Pusat Dagangan Dunia Putra (PWTC).

Beliau dengan nada sinis berkata, Najib bukan seperti Datuk Seri Anwar Ibrahim yang ketika menjadi Timbalan Perdana Menteri, mengangap dirinya sebagai pemimpin alternatif.

"Beliau bukan seperti Anwar yang meuar-uarkan dirinya sebagai pemimpin alternatif bagi Tun Dr Mahathir Mohamad," katanya.

Abdullah berkata, menjelang 2020 beliau mungkin sudah tiada lagi atau berkerusi roda bagi melihat saat Najib mengumumkan Malaysia sebagai negara maju.

"Saya berharap dapat menyertai

anda (Najib) ketika pengumuman itu dibuat, sekalipun saya berkerusi roda. Saya tidak tamak dan sentiasa bersyukur dan tidak sekali-kali akan cemburu," katanya.

Abdullah juga memberitahu ahli Umno bahawa hubungannya dengan Najib tiada sebarang masalah kerana Najib adalah penggantinya.

"Kita sama-sama kerja kuat, jangan biarkan Umno pecah belah. Saya tahu hubungan saya dengan Najib sering dipersoalkan tetapi yang sering saya kata awal-awal lagi, saya memilihnya menjadi timbalan tanpa niat untuk berpolitik dengannya.

"Saya mahu bekerjasama dengan beliau... ada orang cakap itu orang Pak Lah dan itu orang Najib, tidak perlu semua itu. Kita perlu beker-

jasama. Jangan biarkan parti pecah belah kerana perbuatan sesama kita," katanya.

Beliau berkata, Umno harus menunaikan hasrat pejuang kemerdekaan untuk mengisi kemerdekaan dengan pembangunan dan menjadikan negara ini aman damai.

Abdullah berkata, beliau pernah memberitahu Najib yang beliau boleh memilih menjadi pemimpin yang popular dengan memberi pelbagai bonus kepada rakyat.

Bagaimanapun, katanya, beliau memilih untuk melahirkan masyarakat modal insan bagi menjamin kejayaan anak bangsa pada masa hadapan.

"Apa guna mesin yang baik tanpa kekuatan tenaga manusia pintar, mahir dan sebagainya," katanya.